



Coimisiún na Scrúduithe Stáit State Examinations Commission

Scéimeanna Marcála
Gaeilge

Scrúduithe Ardeistiméireachta, 2007
Gnáthleibhéal

Marking Scheme
Irish

Leaving Certificate Examination, 2007
Ordinary Level

SCRÚDUITHE TEISTIMÉIREACHTA, 2007

GAEILGE

ARDTEISTIMÉIREACTH, GNÁTHLEIBHÉAL

SCÉIM MHARCÁLA

GINEARÁLTA

Ní mór do na Scrúdaitheoirí Cúnta an mharcáil a dhéanamh i ndúch dearg. Ní mór dóibh na mórshotúin ach go háirithe a mharcáil (níl ceartú i gceist) trí líne dhearg a tharraingt fúthu.

Is cóir na marcanna a bhronntar ar fhoranna éagsúla na gceisteanna agus na bhfocheisteanna (de réir mar a áireofar ag an gComhdháil iad) a thaispeáint go soiléir san ionad cuí ar fhreagarleabhar an Iarrthóra.

PÁIPÉAR I (220 marc)

CEIST 1

- CEAPADÓIREACTH -

120 MARC

‘Freagair do rogha **dhá cheann** de **A, B, C, D** anseo.’

I gcás A, B, C, agus D (Dhá cheann le freagairt)

Leathleathanach nó breis:	Tasc	= 3 marc	}	
			}	
	Ábhar	= 9 marc	}	= 60 marc x 2
			}	= 120 marc
			}	
	Cumas Gaeilge	= 48 marc	}	

[Cumas Gaeilge = (i) fairsinge agus saibhreas Stór Gaeilge an iarrthóra (= 40%) móide

(ii) beachtas maidir le máistreacht cruinnúsáide ar na príomhghnéithe de cheart na Gaeilge (= 50%) agus litriú (= 10%).]

[Gearrfar pionós ar iarrthóirí de bharr nach bhfuil na hiarrachtaí ceapadóireachta ad rem.]

Nóta: Caithfidh an Scrúdaitheoir Cúnta an marc a bhronntar as 12 (Ábhar) agus an marc a bhronntar as 48 (Gaeilge) a thaispeáint go soiléir ag bun na n-iarrachtaí ceapadóireachta.

[Nóta: Maidir le `Gaeilge Lochtach` a luaitear leis na ceisteanna ina dhiaidh seo : Lochtanna a fhaightear ar fhreagra an iarrthóra i dtaca leis na gnéithe seo a leanas:

- (i) fairsinge agus oiriúnacht Stór Gaeilge an iarrthóra, móide
- (ii) beachtas maidir le máistreacht cruinnúsáide ar na príomhghnéithe de cheart na Gaeilge. (i) agus (ii) sa chóimheas 40% : 60%]

CEIST 2 (A + B) - LÉAMHTHUISCINT - 100 marc
--

‘Freagair **A** agus **B** anseo.’

A (50 marc)

- (i) Dhá chúrsa a rinne Aoife (5 mharc X2) = 10marc
- (ii) Mar ar éirigh lena gnó (5 mharc). Toradh maith ar an ngnó (5 mharc) = 10marc.
- (iii) An bhliain a thosaigh TG4 (5 mharc). A céad phost le TG4 (5 mharc) = 10 marc.
- (iv) Mar atá ag éirí le “Paisean Faisean” = 10 marc.
- (v) Dhá shaghas oibre a dhéanann Aoife in TG4 (5 mharc x 2) = 10 marc.

[Gaeilge Iochtach: 0 - 5 a bhaint den iomlán a gnóthaíodh.]

SPÉIRBHEAN EILE ÓN IARTHAR ÓRGA

1. Rinne sí cúrsa ríomhaireachta (5 mharc)
agus cúrsa teilifíse. (5 mharc) = (10 marc)
2. Theip ar a gnó tar éis bliana. (5 mharc)
Ach bhí toradh maith amháin air – bhí sí tar éis aithne
a chur ar bhainisteoirí TG4. (5 mharc) = (10 marc)
3. 1996. (5 mharc)
Fuair sí post páirtaisire sa stáisiún i dtosach. (5 mharc) = (10 marc)
4. Tá an lucht féachana an-tógtha leis an gclár seo (5 mharc)
agus tá TG4 an-sásta le méid an lucht féachana
a fhaigheann sé. (5 mharc) = (10 marc)
5. Bíonn sí ag obair ar chlár mar “Ní Gaeilgeoir Mé” lá amháin,
ag craoladh réamhaisnéis na haimsire nó ag déanamh
obair leanúnachais an chéad lá eile, agus ansin an tríú lá ag obair
ar script le haghaidh “Blaisíní”. (2 cheann. 5 mharc an ceann) = (10 marc)

[Gaeilge lochtach : 0 – 5 a bhaint den iomlán a gnóthaíodh]

B (50 marc)

- (i) A ndearna Tiger i gCill Dara anuraidh = 10 marc
(ii) Tiger agus Michelle: Difríocht agus Cosúlacht (5+5) = 10 marc
(iii) Suim Michelle sa ghalf agus í óg = 10 marc
(iv) A bhfuair sí nuair a thosaigh sí ag imirt go proifisiúnta = 10 marc
(v) Dhá rud a léiríonn gur galfaire an-mhaith í (5 mharc X2) = 10 marc

AN TÍOGAR AGUS AN GALFAIRE ÓG

1. Nuair a (d'imir sé i gcomórtas Chorn Ryder an bhliain seo caite i gCo. Chill Dara) bhí na sluaite daoine ina dhiaidh gach lá. = (10 marc)
2. Bhí Wie dhá bhliain níos sine ná sin nuair a thug sí faoin gcluiche den chéad uair. Tiger ag tosú ag dhá bhliain d'aois; ise ag a ceathair **(5 mharc);**
Bhí páirt mhór ag a n-aithreacha i saol gailf Tiger agus Wie. (Ba iad a mhúin dóibh conas an cluiche a imirt agus a spreag iad chun feabhas a chur orthu féin.) **(5 mharc);**
(Difríocht agus Cosúlacht: 5 mharc an ceann). = (10 marc)
3. Faoin am a bhí sí ocht mbliana d'aois bhí sí ag caitheamh a trí nó a ceathair d'uaireanta an chloig ar an ngalfchúrsa gach lá scoile **(5 mharc)**
agus a dhá oiread sin le linn an deireadh seachtaine agus le linn laethanta saoire. **(5 mharc)** = (10 marc)
4. Fuair sí breis is deich milliún dollar urraíochta ó chomhlachtaí spóirt agus teilifíse. = (10 marc)
5. Ní bhíonn aon fhadhb aici an liathróid a bhualadh breis is trí chéad slat **(5 mharc)**
d'éirigh thar barr léi i gcomórtas na bhfear sa Chóiré Theas. **(5 mharc)** = (10 marc)

[Gaeilge lochtach :0 - 5 a bhaint den iomlán a gnóthaíodh]

[Gaeilge lochtach: 0 - 5 a bhaint den iomlán a gnóthaíodh.]

[Gearrfar pionós i ngeall ar iomarcaíocht]

Nóta: Taispeánfar go soiléir na marcanna a ghnóthaíonn iarrthóirí as an mbuneolas a aimsiú, na marcanna a bhaintear i ngeall ar an nGaeilge a bheith lochtach agus na marcanna a bhaintear i ngeall ar iomarcaíocht san ionad cuí ar an bhfreagarleabhar.

Páipéar II (110 marc)

Tá rogha ag iarrthóirí cúrsa ainmnithe nó cúrsa roghnach a dhéanamh

ROINN A

- CÚRSA AINMNITHE -

Ceist 1 agus Ceist 2 a fhreagairt anseo.

CEIST 1

- PRÓS AINMNITHE-

(55 mharc)

‘Freagair (a) agus (b) anseo.’

(a)

- (i) An greann sa sliocht. (**Fiche Blian ag Fás**) = 25 mharc }
}
- (ii) Cén sórt duine é Muiris? }
Cur síos gairid air. = 6 mharc }
Fáth ar thaitin (nó nár thaitin) sé leat.? } = 10 marc }
Dhá fháth. = 2 mharc x 2 = 4 mharc }
} = 35 mharc

Nó

- (i) Cur síos ar an mbean óg. (**An Bhean Óg**) = 25 mharc }
}
- (ii) Cén sórt duine é an fear céile? }
Cur síos gairid air 3+3 = 6 mharc }
Fáth ar thaitin (nó nár thaitin) sé leat.? }
Dhá fháth. = 2 mharc x 2 = 4 mharc } = 10 marc }
} = 35 mharc

[Gaeilge lochtach: 0 – 5 a bhaint den iomlán a gnóthaíodh.]

Nó

- (i) Tréidlia agus Jim ag an bhfeirm-cur síos
(**Coileach Ghleann Phádraig**) = 25 mharc }
- (ii) Cén sort duine é Jim? }
Cur síos gairid air. 3+3 = 6 mharc }
Fáth ar thaitin (nó nár thaitin) sé leat? }
Dhá fháth 2+2 = 4 mharc } = 10 marc }
} = 35 mharc

(b)

Cuntas gairid ar a bhfuil i gceann amháin de na saothair a luadh }
faoin téama atá roghnaithe agat as na téamaí atá luaite. } 20 marc

Nó

Cuntas gairid ar dhá rud i gceann amháin de na saothair a luadh, }
Rud amháin a thaitin leat agus rud amháin nár thaitin leat }
2 mharc + (9 marc x 2) } 20 marc

[Gaeilge lochtach: 0 – 3 a bhaint den iomlán a gnóthaíodh.]

Ceist 1= 55 mharc

Nóta: Caithfidh an Scrúdaitheoir an marc don Ábhar agus an marc a bhaintear i ngeall ar Ghaeilge lochtach i gcuid (a) agus an marc don Ábhar agus don Ghaeilge i gcuid (b) a thaispeáint go soiléir sna hionaid chuí ar an bhfreagarleabhar.

CEIST 2 - FILÍOCHT AINMNITHE - (55 mharc)
--

‘Freagair (a) agus (b) anseo.’

(a)

(i)	Cén fáth ar baineadh geit as na paisinéirí (Gealt?)	= 8 marc }	
		}	
(ii)	Cuntas ar roinnt de na paisinéirí (4+4)	= 8 marc }	
		}	
(iii)	An úsáid a bhaintear as athrá	= 8 marc }	= 35 marc
		}	
(iv)	An maith leat an dán?	= 3 mharc }	
	Dhá fháth. = 4 mharc x 2	= 8 marc }	= 11 marc }

Nó

(i)	Téama don dán dar leat (Níl Aon Ní) (4+4)	= 10marc }	
		}	
(ii)	Dhá mhothúchán atá sa dán (1+3) X2	= 8 marc }	
		}	
(iii)	An úsáid a bhaintear as onamataipé a phlé	= 8 marc }	=35 mharc
		}	
		}	
(iv)	An maith leat an dán? = 3 mharc }	}	
	Dhá fháth. = 4 mharc x 2 = 8 marc }	=11 marc }	

[Gaeilge lochtach: 0 – 5 a bhaint den iomlán a gnóthaíodh.]

(b)

Cuntas gairid ar a bhfuil sa dán, **Faoiseamh a Gheobhadsa**, faoin mothúchán atá roghnaithe agat as na mothúcháin atá luaite. 2+ (9+9) = 20marc

Nó

Cuntas gairid ar phríomhsmaointe an dáin, **Faoiseamh a Gheobhadsa** 7+7 =14 mharc }

Íomhá a thaitin leat = 6 mharc }
Iomlán = 20 marc

[Gaeilge lochtach: 0 - 3 a bhaint den iomlán a gnóthaíodh.]

Ceist 2 = 55 mharc

Nóta: Caithfidh an Scrúdaitheoir an marc don Ábhar agus an marc a bhaintear i ngeall ar Ghaeilge lochtach i gcuid (a) agus an marc don Ábhar agus don Ghaeilge i gcuid (b) a thaispeáint go soiléir sna hionaid chuí ar an bhfreagarleabhar

Ceist 1 agus Ceist 2 a fhreagairt anseo.

CEIST 1 - PRÓS ROGHNACH- (55 mharc)

‘Freagair (a) agus (b) anseo.’

(a)

- | | | |
|------|--|--------------|
| (i) | Cuntas ar na príomhimeachtaí (Dírbheathaisnéis) | = 23 mharc } |
| | Teideal na dírbheathaisnéise/ ainm an údair. | = 2 mharc } |
| | | = 25 mharc } |
| | | } |
| (ii) | Pearsa is mó a thaitin leat. | = 2 mharc } |
| | Cur síos gairid air/uirthi. | } |
| | (Dhá phointe) 2 x 4 | = 8 mharc } |
| | | = 10 marc } |

Iomlán = 35mharc

Nó

- | | | |
|------|--|--------------|
| (i) | Cuntas ar an mothúchán is láidre sa ghearrscéal | = 23 mharc } |
| | Teideal an ghearrscéil/ ainm an údair. | = 2 mharc } |
| | | = 25 mharc } |
| | | } |
| (ii) | Pearsa a thaitin(nó nár thaitin)leat | = 2 mharc } |
| | Cur síos gairid air/uirthi. | } |
| | (Dhá phointe) 2x4 | = 8 marc } |
| | | = 10 marc } |

Iomlán = 35 mharc

[Gaeilge lochtach: 0 – 5 a bhaint den iomlán a gnóthaíodh.]

(b)

- | | |
|---|-------------|
| Cuntas gairid ar a bhfuil i gceann amháin de na saothair eile nár úsáid tú | |
| i gcuid (a) faoin téama atá roghnaithe agat as na téamaí atá luaite. | = 18 marc } |
| | } |
| Teideal an tsaothair /ainm an údair. | = 2 mharc } |
| | = 20 marc } |

Nó

Cuntas gairid ar dhá phearsa i gceann amháin de na saothair eile **nár** úsáid tú i gcuid (a). Pearsa amháin a thaitin leat **agus** pearsa amháin nár thaitin.

	= 18 marc }
= 9 marc x 2	
Teideal an tsaothair /ainm an údair	= 2 mharc }
	= 20 marc }

[Gaeilge lochtach: 0 – 3 a bhaint den iomlán a gnóthaíodh.]

Ceist 1 = 55 mharc

Nóta: Caithfidh an Scrúdaitheoir an marc don **Ábhar** agus an marc a bhaintear i ngeall ar **Ghaeilge** lochtach i gcuid (a) **agus** an marc don **Ábhar** agus don **Ghaeilge** i gcuid (b) a thaispeáint go soiléir sna hionaid chuí ar an bhfreagarleabhar.

CEIST 2 - FILÍOCHT ROGHNACH- (55 mharc)
--

‘Freagair (a) agus (b) anseo.’

(a)

(i)	Téama i d’fhocail féin . (Dán nua a chum bean)	= 8 marc }	
		}	
(ii)	Cur síos i d’fhocail féin ar dhá íomhá = 4 mharc x 2	= 8 marc }	
		}	
(iii)	An sórt atmaisféir sa dán?	= 8 marc }	
		}	
(iv)	An maith leat an dán? = 1 mharc }	}	
	Dhá fháth. = 4 mharc x 2 = 8 marc }	= 9 marc }	
		}	
	Teideal an dáin/file a chum.	= 2 mharc }	= 35 mharc

Nó

(i)	Mothúchán is mó. (Dán nua le fear nó bean)	= 2 mharc }	
	Dhá fháth. 3 mharc x 2	= 6 mharc }	= 8 marc }
		}	
(ii)	An bhfuil an teideal oiriúnach? = 4 mharc x 2	= 8 marc }	
		}	
(iii)	Nóta gearr faoi rud amháin a bhí suimiúil	= 8 marc }	
		}	
(iv)	Ar thaitin an dán leat? = 1 mharc }	}	
	Dhá fháth. = 4 mharc x 2 = 8 marc }	= 9 marc }	
		}	
	Teideal an dáin/ainm an fhile.	= 2 mharc }	= 35 mharc

[Gaeilge lochtach: 0 – 5 a bhaint den iomlán a gnóthaíodh.]
(b)

Cuntas gairid ar a bhfuil i ndán a chum fear agus nár úsaid tú	}	
i gcuid (a) faoi mhothúchán amháin atá roghnaithe agat as na	}	
mothúcháin atá luaite.	}	= 18 marc
Teideal an dáin/ainm an fhile	}	= 2 mharc
	}	= 20 marc

nó

Cuntas gairid ar phríomhsmaointe an dáin a chum fear agus	}	
nár úsaid tú i gcuid (a).	}	= 9 marc
Cuntas gairid ar íomhá amháin a thaitin leat nó nár thaitin leat	}	= 9 marc
Teideal an dáin/ainm an fhile	}	= 2 mharc
	}	= 20 marc

[Gaeilge lochtach: 0 - 3 a bhaint den iomlán a gnóthaíodh.]

Ceist 2 = 55 mharc

Nóta: Caithfidh an Scrúdaitheoir an marc don **Ábhar** agus an marc a bhaintear i ngeall ar Ghaeilge lochtach i gcuid (a) agus an marc don **Ábhar** agus don Ghaeilge i gcuid (b) a thaispeáint go soiléir sna hionaid chúig ar an bhfreagarleabhar

CLUASTUISCINT (120 marc)

Cuid A :

Fógra a hAon	$3 + 4 + 4 + 3$
Fógra a Dó	$3 + 3 + 4 + 4$
Fógra a Trí	$3 + 4 + 4 + 3$

Cuid B :

Comhrá a hAon	$3 + 4 + 4 + 4$
Comhrá a Dó	$5 + 2 + 5 + 5 + 2 + 5$
Comhrá a Trí	$4 + 2 + 2 + 4$

Cuid C :

Píosa a hAon	$4 + 4 + 4 + 3$
Píosa a Dó	$3 + 3$
Píosa a Trí	$3 + 3$

[Gaeilge lochtach : 0 – 12 a bhaint den iomlán a gnóthaíodh]

Triail Chluastuisceana: Téipscript 2007

Cuid A

Fógra 1

Cuirfear tús le clár nua ar TG4 ar an gcéad lá de mhí Iúil. Pop 4 an tSamhraidh an t-ainm a bheidh air. Beidh an clár seo ar siúl ar a cúig a chlog tráthnóna, gach Satharn. Beidh an clár ag freastal ar an tsuim atá ag daoine óga sa phopcheol nua-aoiseach idirnáisiúnta. Rud amháin atá difriúil faoin gclár ná go dtiocfaidh sé ó áiteanna difriúla ar fud na tíre. Craolfar an chéad chlár ó chathair Luimnigh. Beidh na físeáin is fearr agus an 40 singil is coitianta á seinm le linn na gclár.

Fógra 2

Seolfaidh an Taoiseach bróisiúr eolais faoi Chraobh Pheile na mBan i bPáirc an Chrócaigh an Satharn seo chugainn. Tá Cumann Peile na mBan agus TG4 i bpáirt lena chéile arís i mbliana san fheachtas seo chun an spórt seo a chur chun cinn. Déanann TG4 urraíocht ar an gcomórtas seo agus déanann siad craoladh beo ar na cluichí leathcheannais agus ar na cluichí ceannais. Dar le Pól Ó Gallchóir, Ceannasaí TG4, beidh trí chéad míle duine ag féachaint ar na cluichí sin in 2007.

Fógra 3

Seo fógra ón gcomhlacht “Gaelchultúr”, Barra an Teampaill, Baile Átha Cliath 2. Beidh ranganna Gaeilge do dhaoine fásta ag tosú ann i mí na Bealtaine. Beidh na ranganna ar siúl ar an Déardaoin agus ar an Aoine, óna seacht go dtí a deich. Trí leibhéal ranganna a bheidh ann, ceann do ghlangosaitheoirí, ceann eile do dhaoine a bhfuil beagán Gaeilge acu, agus an tríú ceann do dhaoine a bhfuil Gaeilge réasúnta líofa acu. Beidh 24 uair an chloig teagaisc sa chúrsa ar fad ag gach leibhéal, agus beidh táille €200 le híoc as na ranganna. Tá bróisiúr agus eolas le fail ó www.ranganna.com nó ar an bhfón ag (01) 675 36 58.

Cuid B

Comhrá 1

Pádraig: Tomhais cá mbeidh mise ag dul an chéad Satharn de mhí an Mheithimh, a Eithne?

Eithne: Níl tuairim agam a Phádraig. Abair liom é!

Pádraig: Go Páirc an Chrócaigh, mar fuair mé dhá thicéad inné ó m’uncail don chluiche idirnáisiúnta sacair a bheidh ar siúl ann.

Eithne: Ó, is cuimhin liom anois é. Beidh Poblacht na hÉireann agus an Spáinn ag imirt an lá sin, nach mbeidh?

Pádraig: Beidh go deimhin, a chailín. Ócáid stairiúil í, cluiche sacair i bPáirc an Chrócaigh, ... agus beidh mise i láthair.

.....

- Eithne: Bhuel, a Phádraig, dar liomsa tá sé ceart agus cóir go mbeadh an sacar á imirt i bPáirc an Chrócaigh. Ach an táille a bheidh le híoc ag Cumann Sacair na hÉireann, tá sí ró-ard.
- Pádraig: Tá an ceart ag Cumann Lúthchleas Gael táille ard a lorg, a Eithne. Féach na costais arda a bhí orthu an staid nua a thógáil i bPáirc an Chrócaigh.
- Eithne: Nár thug an Rialtas 25 milliún euro dóibh leis sin a dhéanamh ar choinníoll go mbeadh an staid ar fáil do chluichí rugbaí agus sacair?
- Pádraig: Ó, níl fhios agam an bhfuil an tuairim sin agat ceart, a Eithne. Ach is cinneadh é a chabhraíonn leis an sport a chur chun cinn sa tír.
- Eithne: Aontaím leat ansin, a Phádraig. Cinneadh maith a bhí ann agus gan amhras cabhróidh sé le leas an spóirt sa tír. Bhuel, tá súil agam go mbainfidh tú taitneamh as an gcluiche, agus go mbeidh an bua ag Éirinn.

Comhrá 2

- Liam: Is deacair focal a fháil asat na laethanta seo, a Niamh. Bíonn tú ag léamh leabhar gan stad.
- Niamh: Bhuel, a Liam, ní féidir liom an t-úrscéal seo, Lámh Láidir, le Joe Steve Ó Neachtain, a chur síos. Tá sé iontach! Nach maith leatsa leabhar maith a léamh?
- Liam: Ó, is maith cinnte, a Niamh, ach is fearr liomsa leabhair faoin taisteal ná aon saghas eile.
- Niamh: Níl aon suim agamsa i leabhair mar sin, a Liam; is breá liomsa cur síos ar an gcaidreamh idir fir is mná sna leabhair a léimse, ábhar mar an grá, an brón nó an díoltas, mar shampla.

-
- Liam: Déanann scannáin nó drámaí léiriú níos fearr ar an gcaidreamh idir fir is mná, dar liomsa, a Niamh. Ach na leabhair thaistil anois, tugann siad eolas iontach dúinn ar áiteanna suimiúla agus ar chultúir éagsúla ar fud an domhain.
- Niamh: Eolas, eolas, eolas. Sin a bhíonn á lorg ag na fir i gcónaí, ach is beag úsáid a bhaineann siad as le fadhbanna a réiteach, sa pholaitíocht ar aon nós.
- Liam: An bhfuil tú ag rá mar sin a Niamh, go bhfuil na mná níos fearr ná na fir sa pholaitíocht? Cén fáth mar sin nach bhfuil níos mó ban sa Dáil?
- Niamh: Bhuel, tá sé sin ag athrú a bhuachaill; sa rialtas deireanach mar shampla, bhí an triúr ban ar na hairí is fearr a bhí ann; agus cinnte beidh bean mar thaoiseach againn anseo in Éirinn go luath.
- Liam: Ag brionglóidigh atá tú anois, a chailín; sin a tharlaíonn nuair a chaitheann tú an iomarca ama ag léamh úrscéalta.

Comhrá 3

- Máire: Cuireann sé iontas orm an méid daoine a théann go dtí an phictiúrlann na laethanta seo, a Shéamais.
- Séamas: Ní haon iontas é sin, a Mháire. Féach na háiseanna breátha atá sna pictiúrlanna anois, siopa caife, bia de gach saghas, suíocháin chomordacha, gan trácht ar an gcóras iontach fuaimne.

Máire: Sea, a Shéamais, ach nach mbíonn gach scannán ar fístéip nó ar dlúthdhiosca anois, agus bíonn teilifíseáin bhreátha ag daoine ina seomraí suite féin.

Séamas: Á, a Mháire, éist liom; ní féidir taitneamh ceart a bhaint as scannán nua-aimsire ar an teilifís. Bíonn an scáileán róbheag.

.....

Máire: Seafóid, a Shéamais. Is ag caint faoi scannáin mar Troy nó Titanic atá tusa anois, scannáin a mbíonn seiteanna móra iontu agus a lán lán daoine páirteach iontu.

Séamas: Ach bíonn an chuid is mó de na scannáin nua-aimseartha mar sin, a Mháire, agus ní féidir leis an teilifís a gceart a thabhairt dóibh ar chor ar bith.

Máire: Ní aontaím leat ar chor ar bith, a Shéamuis. Is é an scéal maith a dhéanann an scannán maith i gcónaí, dar liomsa, agus is cuma cén áit a dtaispeántar iad, ar an teilifís nó sa phictiúrlann.

Séamas: Cén fáth mar sin, a Mháire, a dtiteann tusa i do chodladh nuair a bhíonn ceann acu sin ar an teilifís?

Máire: Ní fíor sin, a Shéamais. Is iad na scannáin a mbíonn suim agatsa iontu a chuireann i mo chodladh mé agus sin é an bua is mó atá acu!

Cuid C

Píosa 1

Seoladh leabhar an-spéisiúil le déanaí in óstán Bloomfield sa Mhuileann gCearr. “Rotha an Ghrá” is teideal don leabhar. Aistriúcháin ar dhánta grá Shakespeare atá sa leabhar seo. Ba é Muiris Sionóid a rinne an t-aistriúchán. Múinteoir meánscoile atá amuigh ar pinsean is ea Muiris. Ba é an tAire Gnóthaí Pobail, Tuaithe agus Gaeltachta a sheol an leabhar. Chomh maith leis sin mhol an file mór Gaeilge, Máire Mhac a’ tSaoi, an leabhar as an saibhreas Gaeilge atá inti.

Píosa 2

D’oscail Méara na Gaillimhe, an Comhairleoir Nollaig Ó Brolacháin, Músaem breá nua sa chathair sin le déanaí. Mhol gach duine a bhí i láthair an spás geal taitneamhach san fhoirgneamh nua seo. Tugadh suntas ar leith don dealbh de Phádraic Ó Conaire a bheidh sa mhúsaem feasta. Bogadh an dealbh ón bhFaiche Mhór i lár na cathrach go dtí an músaem nua. Ba é Micheál D. Ó hUiginn, Teachta Dála ón gceantar, a cheadaigh an t-airgead don mhúsaem nua sa bhliain 1996, le linn dó a bheith ina Aire Ealaíon.

Píosa 3

Bhí slua mór i láthair le déanaí ag cé Leitir Móir ar chósta Chonamara le fáilte abhaile a chur roimh an bád seoil An Naomh Bairbre. Húicéir is ea an bád seoil seo, a thóg Pat Joyce in Chicago. Rinne an húicéir turas 4,500 míle slí ó Chicago trí lochanna móra Mheiriceá trasna an Atlantaigh go cé Leitir Móir i gConamara. Cúigear fear an fhoireann a bhí ar an mbád, Pat Joyce é féin ina measc mar scipéir ar an turas fada seo.

Tugadh an treoir seo a leanas do na scrúdaitheoirí ar fad:

Níor mhiste do gach Príomhscrúdaitheoir Comhairleach gach a leanann seo a chur in iúl do na Scrúdaitheoirí Comhairleacha. Níor mhiste do na Scrúdaitheoirí Comhairleacha é seo a leanas a chur in iúl dá Scrúdaitheoirí Cúnta:

Sa chás go dtagann scrúdaitheoir cúnta trasna ar script a bhaineann le hiarrthóir ar cuireadh socruithe speisialta ó thaobh scrúdaithe de ar fáil dó/dí

- níor mhór don scrúdaitheoir cúnta a chur in iúl dá scrúdaitheoir comhairleach go bhfuil a leithéid de script le marcáil aige/aici
- caithfidh an scrúdaitheoir comhairleach a mhíniú don scrúdaitheoir cúnta go bhfuil gach gné den scéim mharcála faoi mar atá leagtha amach le cur i bhfeidhm ó thaobh mharcáil na scripte de ach amháin nach mbeidh an litriú ná gnéithe áirithe den ghramadach san áireamh
- míneoidh an scrúdaitheoir comhairleach don scrúdaitheoir cúnta go mbeifear ag déanamh fiosruithe ina thaobh seo lena chinntiú go bhfuil an scéim mharcála á cur i bhfeidhm ag an scrúdaitheoir cúnta ina leithéid de chás faoi mar ba cheart.

